

脉

如



脈
如

上海古籍書店複印
二冊 定價九元

六九·一·四〇〇·八〇·十二



南京中醫藥大學圖書館版權所有

脈如卷之下

南海郭治元著

族姪 幟城

郭磨標編輯
郭磨書校字

七情脈

七情之脈內傷五志喜則脈緩悲則脈緊憂惱思結恐沉驚動怒急七情脈宜先審而處治喜則傷心脈必虛思則傷脾結中居因憂傷肺脈必瀆怒氣傷肝脈見濡恐傷于腎脈沉是緩驚傷膽動相胥脈緊因悲傷心絡七情氣口內



南京中医药大学图书馆版权所有

因之

脈來虛散，喜傷心也；結滯，思傷脾也；沉澹，憂傷氣也；緊促，悲傷肺也；弦激，怒傷肝也；沉弱，恐傷腎也；動搖驚傷膽也。此內淫所奪，脈見其情，但當平補者也。

凡此內傷七情之脈，淺者惟氣口緊盛而已，深者必審何部相應，何藏傳次，何藏相尅，尅脈勝而本藏脈脫者，死噫。七情爲患，如此人可不知所自養哉。

六淫

緊則傷寒，腎不移，虛因傷暑，向心推，瀉緣傷燥。
煩觀肺，細緩傷濕，更看脾，浮則傷風，肝部應弱。
爲傷熱，察心知，外因但把人迎審，細別六淫皆
可醫。

脈來浮緩則傷風，病在衛，弦緊則傷寒，病在營。
虛弱則傷暑，病在氣，沉緩則傷濕，病在內，瀉則
傷燥，病在血虛，數則傷熱，病在皮毛，此外邪所
干，脈見其情，但當解散者也。

凡此外感六淫之脈，輕者惟人迎緊盛，或各部單見而已；重則各部與人迎相應，其傳變與傷寒參看。

不內外因脈

勞神役慮，定傷心；虛濇之中，仔細尋勞役陰陽。每傷腎，須從脈緊看來，因房帷任意傷心，絡微濇之中，細忖度疲劇筋痛，要傷肝，仔細思量脈弦弱，飲食飢飽並傷脾，未可輕將一例推。飢者緩弦，當別議；若然滑實飽無疑，叫呼傷氣，須損。

肺燥弱脈中豈能避不內外因乃如是氣口人迎皆無與氣口人迎俱係緊夾食傷寒兼理治氣口人迎若過盛內關外格詳經義先賢又恐脈流傳取諸雜症乃全備

脈來細數弦滑則傷食短瀇實疾則傷食沉數頂指則冷積弦數弱大則勞倦極也微弱伏數則色慾過也沉伏滯瀇抑鬱甚也此正氣之所奪脈見其情但常調治者也

凡二十八種脈形從其部位所見但與人迎相

應者則爲外感與氣口相應者則爲內傷其病症則與諸脈主病相同

七獨脈

愚按經云獨小者病獨大者病獨疾者病獨遲者病獨熱者病獨寒者病獨陷下者病此爲七獨脈而卽七診之義謂脈失其常候非吉兆也經曰七診雖見九候皆從者不死所言不死者風氣之病及月經之病似七診之義而非也故言不死釋謂風者陽病故偶感於風而陽分之

脈或大或疾經者常期也或適值去血而陰分
之脈或小或遲或見陷下此皆以七診之脈而
實非也皆不可以言死但非此而得七診之脈
則凶經云若有七診之病其脈候亦敗者死矣
必發噦噫此承上文而言風氣月經之病本非
七診之類若其果係脈息証候之敗者又非不
死之比然其死也必發噦噫蓋噦出於胃土氣
敗也噫出於心陰邪勝也可見脈証須要相應
而有胃氣雖屬近死之病而亦不死若其脈証

俱敗卽非七診之病而又不免於死也

七獨論

按此獨字乃軒岐示人以察病之秘指也但既云獨大則有獨小者矣既云獨小則有獨大者矣既云獨疾則有獨遲者矣既云獨遲則有獨疾者矣有大有小有疾有遲將以何者爲病乎須知以胃氣爲主小者和緩則大者病大者和緩則小者病圓活在人推之疾遲寒熱陷下莫不皆然診家綱領莫切於此今撮通一子獨論

於後學者細心潛會也通一子云脈義之見於
諸家者六經有序也藏象有位也三部九候有
則也昭然若此而臨症仍是望洋莫測患在不
得其獨耳茲姑以部位言之則無不曰心肝腎
居左之三部脾肺命居右之三部而按部以索
藏按藏以索病咸謂病無遁情矣乃索部位者
審之寸則似病在心肺也審之關則似病在肝
脾也審之尺又似病在兩腎也卽無無脈之部
又無無病之脈而病果安在哉孰非孰是此難

言也再察其病情則有如頭痛者一証耳病本
在上兩寸其應也若以經藏言之則少陽陽明
之痛不應在兩關乎太陽之痛不應在兩尺乎
上下無分此難言也又如淋遺一証耳病本在
下尺中所主也若以氣有不拒病在右寸矣神
有不固病在左寸矣流源無辨此難言矣諸如
此類百病皆然使必欲以部位言則上下相關
有不可泥也使必欲以經藏言則承制相移不
可執也繪難盡神無弗然矣茲書爲脈者貴在察

神不在察形察形者形千形萬不得其要察神者惟一惟精獨見其真也獨之爲義有部位之獨也有藏氣之獨也有脈體之獨也部位之獨者謂諸部無恙惟此處稍乖乖處藏奸此其獨也藏氣之獨者不得以部位爲拘也如見諸洪者皆是心脈見諸弦者皆是肝脈肺之浮脾之緩腎之石五藏之中各有五脈五脈互見獨乖者病乖而强者卽本藏之有餘乖而弱者卽本藏之不足此藏氣之獨也脈體之獨者如經所

云獨大者病獨小者病獨疾者病獨遲者病獨
熱者病獨寒者病獨陷下者病此脈體之獨也
總之三者獨義見矣夫既謂之獨何以有言而
不知三者之獨亦總歸於獨大獨小獨疾獨遲
之類但得其一而即見病之本矣經曰得一之
精以知生死此之謂也

妊娠脈

婦人之脈以血爲本血旺易胎氣旺難孕少陰
動甚謂之有子尺脈滑利妊娠可喜身雖有病

却無邪脈亦爲任子滑疾不散胎必三月但疾不散五月可別左疾爲男右疾爲女女腹如箕男腹如釜欲產之脈其至離經水下乃產未下勿驚新產之脈緩滑吉實大弦牢有証則逆

經期脈

凡婦人脈與如常雖月經或前或後或多或少或一月未來者亦不成經病若腎脈微瀯與浮或肝脈沉急或尺脈滑而斷絕不勻皆經閉不調之候寸關如常尺絕不至或至而弱小者主

小腹腸胃有積痛上搶心月水不利若沉緩而
下虛來多要妨尺脈微遲爲居經月水三月一
下加以寸關微瀼雖來亦不多後必不通墮胎
及產多者常有之謂之血枯脈浮且緊少陰見
之痼痕內隱至於崩中漏下少陰脈必浮動若
少陰數滑氣淋陰瘡少陰脈弦陰痛陽挺若得
革脈半產漏下婦人帶下脈浮惡寒漏下者不
治新產傷陰出血不止尺脈不能上關者死若
婦人無病尺脈微弱而瀼少腹冷惡寒年少得

之爲無子年大得之爲絕產凡婦人有孕最忌脈弦後必大下不成胎也至若心肝二部脈長而溢上魚際者爲思男不遂右尺偏旺而兼肝脈數火動好色之人乍浮乍沉乍疾乍遲稍帶虛散而數問無別症者與人期約私會也

反關脈

病人平素無正取脈覆手取之此反關脈也診斷與正取同書云左手反關者貴右手反關者富此其賦自先天而然非病脈也若平素有病